

# NotiOCA

## Nos ausencia

### DEN E EDICION AKI:

Ausencia NotiOCA	1
Competencia	1
Feria Betico	2
DJI contest	2
Mario Heinsen	3
Sancion	3
Registro nobo	4

Despues di un ausencia basta largo "Noti-OCA" ta back riba Mercado y nos lo trata pa sigui sake mas frecuente. Directiva a pasa den basta suceso despues di Interpaso y durante seramento di anja y no tur tabatin un efecto positivo riba e funcionamiento di e hunta di directiva. Importante ta cu e animo ta back cerca tur e integrantenan di e directiva y ta cla pa enfrenta e retonan cu tin nos dilanti. Mientras tanto e programa di actividadnan di OCA pa 2014 ta cla y a bai pa tur miembro.



### Punto nan di interes:

- Presidente nobo pa Confepaso
- Aruba ganador mundial
- Colaboracion entra Fedequinas y OCA

## Prome competencia pa cabay lo ta na Maart

E prome competencia di cabay ta tuma lugar dia 22 di Maart y e segundo competencia di jinete y amazona pa e anja aki ta dia 23 di Maart. Inscripcion pa e dos dianan di competencia ta dia 14 di Maart. E hueznan pa e competencia aki no ta conoci ainda. Nos a nota cu varios caballeriza a cuminsa nan preparacionnan pa e competencia di Himno & Bandera. Ta muestra cu tin un amenaza di sorpresa di ehemplarnan cu ta mustrand hopi bon.

Angela Ochoa cu  
Igor Kock



## Feria di Betico a infoca riba J&A

Mientras tanto ya un competencia di jinete y amazona a tuma lugar na Aruba. E participacion no tabata grandi. Tin diferente factor pa cu esaki, pero un di nan tabata cu a pone e accento riba e seleccionadonan. E huzgamento di Angelita Ochoa di Colombia a duna nos hobennan direccion di nan estado y loke nan tin pa mehora. Valioso di esaki ta cu e head-coach Igor Kock tabata presente den e ring di huzgamento, pa asina e por a sigui henter e desaroyo di hopi cerca. Aruba ta pensa di participa cu mas di 15 atleta na e proximo Mundial cu ta tuma lugar na e ciudad di Pereira.

## Aruba a gana den DJI photo contest

DJI ta un compania cu ta traha remote control helicopters cu por wordo uza den combinacion cu 'GoPro' cameras.

E compania aki a haci un photo contest mundial unda tur hende cu ta haci uzo di nan producto por manda un of mas potret pa asina participa pa gana. Debido na e gran cantidad di potret cu nan a haya nan a opta pa escohe 15 ganador de categoria A y 5 den categoria B.

Aruba a gana den categoria B, cual ta potretnan asombroso cu ta muestra tambe e producto di DJI, cu un potret di cabay di Villa Floralina saca door di Luis Lagos.



## Mario Heinsen president di Confepaso

Mientras tanto Confepaso a haya un president nobo den e persona di Mario Heinsen di Republica Dominicana. E ta un persona dinamico cu plannan serio pa duna e organisacion un vision nobo y e ta determina pa trese un cambio radical den e direccion cu e directivanan anterior tabata hibando e federacion mundial. Ela scohe como su secretario y man-drechi, Juan Germosin, tambe di Republica Dominicana. E ta un persona cu ta cuadra cu e vision di e president nobo y lo sa con pa maniobra Confepaso pa yega na e siguiente etapa. E ultimo directivanan a dirihi e federacion practicamente cu un solo enfoke di un campeonato mundial pa e otro, pero a hasi masha poco pa duna e organisacion vision y sigur no a logra pa engrandese e movimiento y dune un presencia mundial. Fuera di esey, tin paisnan miembro ta sinti cu e organisacion a cai mucho facil den gara di paisnan cu kier a trose e movimiento den nan direccion, sin tene cuenta cu e interes general di tur e paisnan miembro. Favoritismo hopi biaha tabata na ordo di dia.



## Sancion den Confepaso

Den e mesun rosea Confepaso a pasa den momento dificil, door di e mesun konkelmento y favoritismo. Den todo caso e mayoria di paisnan si a vota pa castiga e Portorriqueño Elpidio Nuñez pa dos anja pa su comportacion den e ultimo mundial di cabai na Miami. Durante un di e competencianan di e mundial, Elpidio a perde respet pa e hueznan y e organisadornan cu insulto. E ta donyo di ehemplarnan importante manera "Joyero" y "La Lunita del Milagro", kendenan a gana e competencia di Ponce e luna aki. Premirando e castigo, Elpidio a hasi traspaso di su cabainan pa su yiu homber, cu e pensamiento di scapa su cabainan di castigo y percura pa nan por sigui competi mescos cu nada no a pasa. Confepaso a cai aden y a adverti cu mester hala e traspasonan atras pa garantisca cu no lo burla di e sancion.




La Lunita del Milagro



## Registro di OCA

E anuncio di mas grandi ta den e "Noti-OCA" aki, pa muestra cu directiva tampoco a keda man-crusa. Un di e bon cosnan ta cu e prome set di registronan di OCA cu ta ser administra conhuntamente cu Fedequinas di Colombia ta den sali. E disenyo di e registro ta cla y aproba. Pa e prome pagina di e registro e fondo lo ta ilustra cu logonan di Fedequinas, mientras cu riba e segundo pagina, e logonan di OCA lo ta tur caminda den e fondo. Den un forma serio a tuma e muestranan di e equinonan cu mester registra y a manda nan pa Fedequinas cu na su turno ta manda e pruebanan aki Merca pa e testnan di DNA. Ta hasi esaki na e laboratorio di e Universidad di Davis na California, cu ta mundialmente conoci como e mecca científico equino. Ora cu e confirmacion genético dreña, e registro ta cla pa firma y emiti door di Fedequinas y manda pa Aruba. Claro cu prome cu tur esey e administracion di e ehemplar mester ta completo cu su "reporte de monta", fotonan di tur banda, etc. E prome emission mester a tuma lugar den dos serie, pa motibo di logistica. Mester a tipifica prome cierto macho y yewanán, ya cu nan ta tata of mama di esnan cu mester registra den di dos serie. E realisacion di un registro propio di OCA ta un di e logronan mas importante no di e directiva aki so, sino pa henter e organizacion. Un ehemplar sin un registro reconoci tin poco balor y Aruba ta chikito pa tin un administracion propio. Fedequinas tin un data-bank impresionante di registro, cu porcierto ta na disposicion di OCA. E hecho cu nan ta para solido tras di un registro pa Aruba tin un balor incalculable y un cos sigur di aprecia. OCA ta pensa di cobra f.275 pa cada registro, cu ta un suma hopi mas abao cu otro paisnan.



## Tokante nos Organizacion

E Organisation Caballistico Arubano OCA a wordo funda na año 1985. Meta principal ta pa fomenta e deporte di cabaynan di paso fino, e caballada y aficionadonan aki na Aruba.